

April 17, 2016

Maikatlo a Domingo kalpasan Panangungar  
Leksion 21: Pasingkedan ti kina-Dios ni Cristo

**Daan a Tulag: Dagiti Salmo 24:1-2**

1Kukua ti Apo ti lubong ken amin a linaonna; kukuana ti daga ken ti amin nga agnaed kenkuana. 2 Binangonna iti rabaw dagiti adalem a danum ket iti lansad ti taw inpasdekna ti pamuon.

**Baro a Tulag: I Korinto 10:14**

14 “Isut gapuna a dikay agrukbab kadagiti didiosen, patgek a gaggyem.”

**Pannakailawlawag ti Teksto**

Ti Salmo 24 ket maysa a daniw a mapapati a sinurat ni Ari David, maus-usar pay daytoy kas kanta iti panagdaydayaw dagiti Israelita. Ti Salmista ket daydayawenna ti Dios dagiti isu amin, kas pasingkedanna a ti Dios a Namarsua ken agtagikua kadagiti isu amin ket ipababana dagiti amin ng agkuna a kukuana ti sangaparsuaan, gapu ta daytoy ket kukuana laeng kas Namarusa. Maysa met laeng daytoy a kanta a pagdayaw, ken iti sabali a bangir pangballaag iti siasinoman a mangibaga nga adda sabali a namarsua malaksid iti pudno a Dios. Awan ti sabali a panakabalin ditoy lubong a nangpataud, mangted biag, kaipapanan ken panakasubbot dagiti isu amin manipud napaadda ken naurnosda.

Ti Dios laeng ti namarsua, mangted biag, manubbot ken mangituray iti sangaparsuaan ket awan ti mabalin a mangala iti lugarna uray pay kasano ti sirib ken kabaelan nga ik-ikutanda. Ti pinarsua ket dina mabalin a tagikuaen ti biang ti Namarsua. Ti saan a mataginayon ket dina matagikua ti panakabalin ti mataginayon a kas iti Dios. Saan a mabaliwan wenna mabaliktad daytoy a relasion wenna prinsipio ket datayo a parsua masapul a maipalagip ti umno a kaibatogantayo.

Nagsurat ni Apostol Pablo iti Iglesia ti Corinto tapno sungbatanna ti napateg a pakaseknan a naipakaammo kenkuana. Gapu ta ti Corinto ket sentro ti negosio nga agserbi iti kasapulan iti takdang ken iti taaw, gagangay ti kaadda dagiti tattao a nagduduma ti relihion ken nakairuamanda. Bassit laeng ti bilang dagiti tattao idiyay Corinto gapuna nga arig makibalbalubbalda iti aglawlaw a domdominarian dagiti nagkaadu a pagano. Gapuna a saan a nalaka iti biang dagiti Kristiano ti mangitakder a napudno iti pammatida iti nasao a kasasaad ti aglawlaw.

Kas ipakaawat ti tekstotayo ken kasasaad ti aglawlaw, nagballigi dagiti Kristiano a nangawis kadagiti tattao tapno arakupenda ti pammati a Kristianismo. Ti rigatna, dagitoy a nagkristiano ket dida nalipatan ken pinaglikudan dagiti ritual ti relihion a nakairuamanda. Ngarud, daytoy ti maysa kadagiti pakaseknan a sangangoen ken sungsungbatan ni Apostol Pablo, babalawenna ida kontra iti panagdayaw iti didiosen ta daytoy ket saan laeng a basol iti Dios, ngem ketdi pataudenna pay ti panagsisinada kas maysa a bagi ti pammati

Naiduma dagiti panagrukbab iti didiosen kadagitoy a panawen. Daytoy ket maipakita babaen kadagiti aramid, nakairuaman, pammati wenna tagipatgen a mangiadayo iti imatang ti tao iti panakipasetna iti mision ti Iglesia, wenna mangiadayo iti tao a mangpasingked iti panagtagikua ken panagturay ti Dios iti sangaparsuaan. Mapasamak daytoy no ti trabaho ken mision ti Iglesia kas nagbiagan ken inlungalong ni Jesus ket saanen nga isu ti nangnangruna iti inaldaw a panagbiagtayo. No mangrugi nga agbiagtayo kadagiti tagipatgen ken panirigan a

maisungani kadagiti kababalin ti Pagarian ti Dios kas inkaskasaba ni Jesus. No aggagartayo a manggun-od iti adu a sanikua ken ipangpangruna ti bukod a pagimbagan imbis nga agpanuray iti Espiritu Santo a mangidalan kadatayo nga agtulnog, agserbi ken agsaksi. Ti panangliklik kadagiti didiosen ket saan laeng a maipakita iti dinominggo nga ipapan idia kapilia, nupay makatulong met daytoy iti panakapabileg ken panakaidalantayo a makipaset iti mision. Ti mangliklik kadagiti disiosen ket ti di panangikaskaso kadagiti aniaman a pangta a mangdadael iti relasiontayo iti Dios ken padatayo a tao. Ti panangliklik kadagiti didiosen ket isut panangsarak iti talna ken siguridad iti Dios, inayonna ti panagtalek iti kabaelan ti Dios a mangted biag, mangaywan ken mangsubbot kadagiti napudno uray pay iti narigat a panawen.

Uray pay agbibigatayo iti Cristiano a nasion, naigamertayo iti kultura ken relihion dagiti gan-ganaet ken agraraira a panirigan nga impapilitda kadatayo nupay dagitoy ket saan nga isu ti naan-anay a ladawan ti panagbiag nga inlungalong ni Jesus. Adu kadatayo ti simiasi kadagiti napipintas a kababalin ken tagipatgen a tinawiditayo kadagiti appotayo, ti kinapateg ti panagsisinaranay, panagbiag kas kameng ti komunidad ti pammati, ti panagayat kadagiti gan-ganaet ken nangruna ti panangaywan iti sangaparsuaan, dagitoy ket iladawanda ti kaipapanan ti mensahe ti ebanghelio nga insuro ken imbiag ni Jesus.

Ti kasasaad ti Iglesia ti Corinto, a makibalbalubal kadagiti didiosen ket umasping met laeng iti agdama a kasasaadtayo, adu pay laeng dagiti tattao a mangipangpangruna kadagiti material a banag ket awan panawenda nga agserbi kadagiti makasapul. Nupay kasta agyamantayo iti kaadda ti Iglesia ken dagiti kas ken San Pablo ti agdama a panawen a mangpalpalagip kadatayo tapno liklikantayo dagiti didiosen. Ti Iglesia babaen met laeng kadatayo a kamkameng ket pabilgen ken palagipantayo ti maysa ken maysa tapno ditay uliten ti basol ti napalabas, ngem agsursurotayo ketdi manipud iti pakasaritaan. Agsalukagtayo, aywanan ken ipategtayo ti mision ken biag ti Iglesia, masapul a silalagiptayo kadagiti amin nga aramiditayo tapno ditay parnuayen dagiti bukodtayo a didiosen wenno dagiti kababalin a mangiladawan kadakuada ta dagitoy ti manglapped kadatayo nga agbiag kas saksi ti ayat ken kinalinteg ti Dios babaen ken Jesus. Kas iti Salmista, kasapulan a pasingkedantayo ti kinaapo ti Dios iti sangaparsuaan, iti amin a biag. Agpanuraytayo iti umisu nga espiritu iti panagbiagtayo kas napinget a mangpasingked iti kina-Dios ni Cristo iti inaldaw a biag ken aramidtayo.

## **TARABAY KADAGITI MANGISURO**

Umuna ti amin, masapul a maipakaawat a ti kina-Apo ni Cristo kadagiti isu amin a parsua ket saan a balikas ti panangtunton iti panagtagikua kontra kadagiti dadduma a komunidad ti pammati wenno relihion. Daytoy ket maiturong kadagiti Kristiano a nakurang ti panagpanurayda ken Cristo kas Apo, ta kasla adda paset ti biagda a nairanta iti dadduma a pagrukbaban ken pagduyosanda a saan ket a ti Apo nga agtagikua iti amin a turay ken pannakabalin idia langit ken ditoy daga. Adda dagiti sinandios iti biag ti tao a nupay tao met laeng ti nangaramid, ngem adda bilegna a mangituray iti tao a nangaramid. Maysa a paborito ti tao a didiosen ket ganansia wenno kuarta. Sinandios daytoy a kainnagaw ni Jesus iti biag ti tao, gaputa no sadino a paset ti biag ti tao a naturay ti tarigagayna a maaddaan iti dakkel a ganansia uray agaramid iti kinaubbaw tapno magun-odna daytoy, sadiay, awan lugar ti mandar ti ebanghelio iti biag ti tao. Maysa pay a sinandios iti biag ti tao ket ti politika. No ti politika ket maaramat nga awan umisu wenno nalinteg a pakaibasaranna, agbalin daytoy a gan-ganaet a pwersa ket serraanna ti puso ken panunot nga agtungpal iti mandar ti Ebanghelio. Adu dagiti sinandios iti biag ti tao a mabalin a mangiwalin iti panagturay ni Cristo. Ti panagrukbab kadagiti sinandios ket saan laeng a sumngat iti panawen ti personal, pamilia wenno publiko a panagdaydayaw, ngem mabalin nga adda daytoy iti inoras wenno inaldaw a biag ti tao. Kinapudnona, kaaduan a panagdayaw ti tao ken Apo Dios ket mabalin a maysa wenno

dua la nga oras iti aldaw ti domingo, ket nalabit ad-adu pay ti pannakaidaydayaw dagiti sinandios iti biag ti tao a dina mapupuotan. Ngem ti pakdaar ti pammati ti UCCP a ni Jesus ti sibibiag a Dios ti sangaparsuaan ket saan a mabalin a maikompromiso, ngem ketdi, kanayon koma a mapasingkedaan iti aniaman nga aramid ken kasasaad ti panawen. Kangrunaan a pagrebbengantayo nga ipalagip iti tunggal maysa ti deklarasion ni Pedro a kunana; “Ad-adda nga agtulnogkami iti Dios ngem iti tao” nangruna iti panawen ti panagdaydayaw. Ti kasasaad ti aglawlaw ket maysa a napateg a karit kadatayo a masapul a dagdagusentayo a sungbatan. Naduktalan dagiti sientista a ti agdama a parikot ti aglawlaw a mangyeg iti peggad iti sangaparsuaan ket aramid ti tao. (human made) Dagiti tattao a rumbeng koma nga addaan iti konsinsia kas Cristiano ket didanto malisian ti panangukom ti Dios gaputa pasetda ti pangen dagiti naagum nga agtagikua iti sobra a ganansia uray pay kaipapananna ti pannakadadael ti aglawlaw. Dagitoy dagiti ad-adda mangipangag iti mandar dagiti sinandios imbis koma a ti mandar ni Cristo. Ngem ipalagip ti adaltayo a maysa kadagiti pakapadasan ti Iglesia iti nagungar a Cristo ket isu ti pannakapabilegna a mangipakaammo iti panangukom ti Dios iti lubong gapu iti saan a panagtulnog dagiti dadduma iti mandar ti pudno a Dios ti biag ken sangaparsuaan.

## **Nursery/Kindergarten/Younger Elementary Levels**

### **I. Panggep**

Kalpasan ti panagadal, ken ti di agsarday a panangipakita dagiti nagannak ken dagiti nataengan, iti pagtuladan a wagas ti panagbiag, dagiti ubbing ket manamnama a:

1. Mangrugi nga maibagada a ni Jesus ket Dios a namarsua ;
2. Mangrugi nga maakseptar nga ni Jesus ket Dios dagiti tattao
3. Maiyebkasda ti panagyamanda ken Jesus kas mangisalakan ken Diosda .

**II. Konsepto:** Ni Jesus ti Apotayo.

**Dagiti Kasapulan:** *Biblia* (NRSV), pagyanan ti oferta, pagkantaan ken chart ti laglagipen a bersikulo, bulong, sabong, prutas, utong, ken dadduma pay, ladawan ti init, bulan, bituen, bantay, karyn, billit, ikan ken daduuma pay- pagpigket, apron ken water color.

**Kadagiti mangisuro:** Agkararag, agmeditasion, ken pasadaan ti leksion. Aramiden ti klase a naragsak, ken lugar a pakasursuroan kadagiti adal ken sursuro isu a nasayaat ken agkakaimbag.

## **III. Linaon ti Panagadal**

### **A. Panglukat a Panagdayaw**

1. Panangpasangbay: Kablaawan dagiti ubbing babaen iti nasam-it nga isem ken arakup a managbasangbay.
2. Panglukat a Kararag:  
Apo Dios, pudno nga naindaklan ti agserbi ken makipagna iti dalanmo.  
Agyamankami manen iti daytoy a Domingo iti narambak a panagadal.  
Idalannakami kas ituloymi ti agadal iti daytoy a bigat. Daytoy ti kararagmi ken Kristo Jesus nga Apomi. Amen!
3. Panagkanta: “It’s a Great Thing”

It's a great thing to praise the Lord (3x)  
 Walking in the light of God.  
 Walk (4x) in the light  
 Walk (4x) in the light  
 Walk (4x) in the light  
 Walking in the light of God.

**B. Panagsagana**

Mangyaramid ka ti “nature walk” wenna panagsursur iti ruar ti kapilya. Masapul nga ti papananyo ket masigurado nga nadalus ken mayat kadagiti ubbing. Angutenda ti sabsabong, denggenda dagiti unit ti billit wenna aniaman nga uni dagiti animal. Ibaga kadagiti ubbing nga usarenda dagiti matada/agongda kadagiti banbanag a makitada.

**C. Panawen ti Panagadal**

1. Naulimek a panagsubli iti kapilya. Ibaga nga agulimekda ket magnada awan agtartaray.
2. Iruar dagiti kasapulan nga insagana. Ipan mo ida iti lamisaan a kas koma kadagiti bulong, sabong ken dadduma pay.
3. Ibunnon ti activity sheets. Ibagam a mabalinda nga ipigket, drawingen wenna isurat dagiti nakitada, naangotda iti papel.

DAGITI BANAG A NAKITAK	DAGITI BANAG A NAANGOTKO	DAGITI BANAG A NANGEGKO

**D. Panangpauneg ti Adal/Panagbibinnuray**

1. Kalpasan daytoy nga aktibidad. Dawaten kadagiti ubbing ta ipresentarda ti aramidita iti klase. Ikkan ida ti pamadayaw wenna panang-appresiar.
2. Iproseso ti saludsod ken sungbat: “Sinno nangted kadagiti kolor wenna maris? Sinno nangted iti angina nga angsentayo? Sinno nagted silaw? Sinno nagted kadagiti amin a makitatayo, nangegtayo, ken naangottayo?”
3. Ibaga kadagiti ubbing nga tumakderda ket kitaenda ti amin a paset ti bagida? Ti ulo, ti mata, ti agong, ti abaga ken dadduma pay a pasetda. Damagen dagiti sumaganad:
  - a. Ania ti paset ti bagitayo tapno makakitatayo? Tapno makaangottayo? Tapno maiggamam ti maysa a banag? Tapno maramanam ti maysa a banag? Tapno makasaoka? Makatarayka? Ken dadduma pay....
  - b. Sinno ti ammom a nangted kenka ti bagim?
  - c. Sinno ti kasayaatan nga pinarsua ni Apo Dios?
4. Mangipresentar iti draowing ti Lubong kadagiti ubbing. Adda naisurat iti baba: Dagiti Salmo 24:1-2)
5. Ibaga kadagiti ubbing nga kopyaenda ti bersikulo iti activity sheetsda:

**For N/K:** “Kukua ti Dios ti lubong.” (Psalm 24:1a)

**For YE:** “Kukua ti Dios ti lubong ken amin a linaonna.” (Psalm 24:1-2)

6. Sawem: Ti leksion tayo ita a bigat ket nakasentro iti kina Dios ni Apo Jesus. Awan

sabali a Dios no di laeng ni Jesus, isuna ti Dios ken Mannubbotayo.

### ***E. Panangdiskubre ti Adal***

Damagem: Sinno ti Dios dagiti amin a pinarsua?

### ***F. Panangyaplikar ti Naadal***

Isagana ti klase tapno padasenda ti agaywan iti maysa nga ubing. Mangisagana ti munmunieka ken ules ket ipadasda nga ikkan bado wenna lampin ti munmunieka. Iti panangiprosesom ken pannagyaramidda mariknada koma a masapul nga agyamanda iti Dios babaen iti panagserbida iti sabsabali.

### ***G. Pangrikep a Panagdayaw***

1. Ipresentar ti laglagipen a Bersikulo.
2. Pangdaton
3. Pangrikep a Kanta: "He's the Lord of the Sunshine"  
(PALMAR, NCCP VCS 2009 Song Book)  
He's the Lord of the sunshine, the Lord of the rain  
He's the Lord of the good times, the Lord of the pain  
He's the Lord of the mountains, the Lord of the seas  
He's the Lord of the music, the Lord of the children  
The Lord of you and me.
4. Pangrikep a kararag: "Apo Dios agyamankami iti pannangtedmo kadakami ni Jesus a kas mannubot ken mangisalakanmi. Agyamankami ti pannakikaaddam kadakami ken agnanayon a panangaywanmo kadakami ken kadagiti amin a pinarsuam. Tulongannakami nga mangisaknap iti kina-Dios ni Apo mi Jesus. Iti nagan ni Jesus, Amen!

## Middle and Older Elementary Levels

### I. Panggep

Kalpasan ti panagadal, dagiti nagatendar ket manamna a:

1. Maibagada a ni Jesus ket Dios dagiti amin a parsua;
2. Maibagada ken maakseptarda nga ni Jesus ket Dios dagiti tattao;
3. Maiyebkasda ti panagyamanda ken Jesus kas mangisalakana ken Diosda.

II. Konsepto: Ni Jesus ti Apo ti amin a parsua.

**Dagiti Kasapulan:** *Biblia* (NRSV, 1989), activity sheet, krayola, pagkantaan ken chart ti laglagipen a bersikulo, nalukneng nga bola a naaramid ti daan nga straw, stockings, wenno aniaman a materyales nga nalukneng) ladawan dagiti artista ken

### III. Linaon ti Panagadal

#### A. Panglukat a Panagdayaw

1. Panangbasangbay
2. Panglukat a kararag
3. Panglukat a kanta

"It's a Great Thing"  
It's a great thing to praise the Lord (3x)  
Walking in the light of God.  
Walk (4x) in the light  
Walk (4x) in the light  
Walk (4x) in the light  
Walking in the light of God.

#### B. Panagsagana

Agpaay-ayamka ti "Toss Game". Dagiti ubbing mangbukelda ti sirkulo. Ipurruak ti bola saka mangipukaw ti pangrugian a letra ket dawaten kadagiti ubbing no ania ti pakapatarusanda. (R: nagungar ni Jesus manipud tanem, C: inaramid ni Apo Dios ti lubong ken amin a linaonna, O: agtulnog iti Dios ken amin dagitoy mainayondanto kadakayo, A: agparintumeng dagiti amin a saka ken Jesus, G: Ay-ayatennatayo ti Dios/Dios ket ayat, J: Jesus ti mannubbot ken mangisalakanko, D: Insurat ni David dagiti salmo nga pagdayaw iti Apo). No makasungbat ti maysa nga ubing ipurruakna manen iti sabali nga ubing. Ibingay ti kapadasanda iti daytoy nga ay-ayam ken ti dati a pannakammoda iti Dios.

#### C. Panawen ti Innadal

1. Ibaga iti klase nga basaenda Dagiti Salmo 24:1-2 ken I Korinto 10:14 a sangsangkamaysa.
2. Ibunong ti papel ken marker, ibagam nga mangisuratda ti kapanpanunotanda maipapan kadagiti sumaganad:
  - a. Bersikulo a malagipda

- b. Ania ti rason nga dayawenda iti Dios kalpasan ti panangbasada ti salmo
- c. Idolo nga mangperdi ti panagdayawtayo
- d. Ania ti komitmentmo a mangsungbat iti ayat ti Dios
- e. Dagiti banag nga naawatmo kas pagyamanam iti Apo.
- f. Magustuan nga pinarsua ti Dios.

**D. Panangpauneg ti Adal/Panagbibinnuray**

- 1. Ibaga kadagiti ubbing nga ibingayda ti inobrada iti klaseda.
- 2. Ilista dagiti sungbat dagiti ubbing babaen iti chart nga adda iti baba:

Bersikulo nga malagip	Idolo a mangperdi ti panagdayawtayo
Rason nga dayawem ti Dios	Komitment a mangsungbat iti ayat ti Dios
Banag a naawatmo iti Apo	Magustuam a pinasua ti Dios

- 3. Diskutiren dagiti sungbat. Idalan dagiti ubbing ket ibaga dagiti sumaganad:
  - a. Jesus ket Dios dagiti amin a pinarsua
  - b. Ti panagayat iti kuarta ket mangyadayo kadayaw nga agtulnog ken Jesus
  - c. Importante dagiti pinarsua ti Dios. Kasapulantayo ida saantayo nga abusoen ken perdien.
  - d. Masapul nga pagyamantayo dagiti amin naawattayo manipud iti Dios.
  - e. Masapul nga sumungbat iti kina-imbag ti Dios

**E. Panangdiskubre ti Adal**

*Saludsodem:* “Kasano ti panangipaneknek ti Iglesia ti panagakseptarna a ni Jesus ket Dios ti sangaparsuaan”

**F. Panangyaplikar iti Naadal**

- 1. Para kadagiti ME: Idalan ti klase a mangpanunot no ania ti wagasda nga mangaywan ti pinarsua ti Dios kas tanda ti panagyaman ket maipatalged ti kina Dios ni Jesus.
  - a. Ibelleng dagiti basura iti basuraan
  - b. Mangsurat ti apela iti barangay para iti panangilasin kadagiti basura.
- 2. Para kadagiti OE: Idalan dagiti ubbing a mangpanunot iti wagas tapno malapdan ti nakaro nga panagidolo kadagiti idolo nga manglapped iti panagdayaw iti Dios.

**G. Pangrikep nga Aramid**

- 1. Ibaga iti klase nga ikabesada ti laglagipen a bersikulo.
- 2. Panagdaton:
- 3. Pangrikep a Kanta:
- 5. Pangrikep A Kararag: Ibaga kadagiti ubbing a mangyebkas iti kararagda iti Apo.

## Youth Level

April 17, 2016

Maikatlo a Domingo kalpasan Panangungar  
Leksion 21: Pasingkedan ti kina-Dios ni Cristo

### **Old Testament: Psalm 24:1-2**

Kukua ni Jehova ti daga ken ti linaonna, Ti nabunga a daga ken dagidiay agnanaed iti dayta. **2**  
Ta iti rabaw dagiti baybay isu insaadna a sititibkerdayta, Ket iti rabaw dagiti karayan  
pagtalinaedenna dayta a naipasdek a sititibker.

### **Pannakailawlawag ti Teksto**

Ti Salmo 24 ket maysa a daniw a mapapati a sinurat ni Ari David, maus-usar pay daytoy kas kanta iti panagdaydayaw dagiti Israelita. Ti Salmista ket daydayawenna ti Dios dagiti isu amin, kas pasingkedanna a ti Dios a Namarsua ken agtagikua kadagiti isu amin ket ipababana dagiti amin ng agkuna a kukuana ti sangaparsuaan, gapu ta daytoy ket kukuana laeng kas Namarusa. Maysa met laeng daytoy a kanta a pagdayaw, ken iti sabali a bangir pangballaag iti siasinoman



a mangibaga nga adda sabali a namarsua malaksid iti pudno a Dios. Awan ti sabali a panakabalin ditoy lubong a nangpataud, mangted biag, kaipapanan ken panakasubbot dagiti isu amin manipud napaadda ken naurnosda.

Ti Dios laeng ti namarsua, mangted biag, mannubbot ken mangituray iti sangaparsuaan ket awan ti mabalin a mangala iti lugarna uray pay kasano ti sirib ken kabaelan nga ik-ikutanda. Ti pinarsua ket dina mabalin a tagikuaen ti biang ti Namarsua. Ti saan a mataginayon ket dina matagikua ti panakabalin ti mataginayon a kas iti Dios. Saan a mabaliwan wenno mabaliktad daytoy a relasion wenno prinsipio ket datayo a parsua masapul a maipalagip ti umno a kaibatogantayo.

Nagsurat ni Apostol Pablo iti Iglesia ti Corinto tapno sungbatanna ti napateg a pakaseknan a naipakaammo kenkuana. Gapu ta ti Corinto ket sentro ti negosio nga agserbi iti kasapulan iti takdang ken iti taaw, gagangay ti kaadda dagiti tattao a nagduduma ti relihion ken nakairuamanda. Bassit laeng ti bilang dagiti tattao idiaiy Corinto gapuna nga arig makibalbalubalda iti aglawlaw a domdominarian dagiti nagkaadu a pagano. Gapuna a saan a nalaka iti biang dagiti Kristiano ti mangitakder a napudno iti pammatida iti nasao a kasasaad ti aglawlaw.

Kas ipakaawat ti tekstotayo ken kasasaad ti aglawlaw, nagballigi dagiti Kristiano a nangawis kadagiti tattao tapno arakupenda ti pammati a Kristianismo. Ti rigatna, dagitoy a nagkristiano ket dida nalipatan ken pinaglikudan dagiti ritual ti relihion a nakairuamanda. Ngarud, daytoy ti maysa kadagiti pakaseknan a sangangoen ken sungsubotan ni Apostol Pablo, babalawenna ida kontra iti panagdayaw iti didiosen ta daytoy ket saan laeng a basol iti Dios, ngem ketdi pataudenna pay ti panagsisinada kas maysa a bagi ti pammati

Naiduma dagiti panagrakbab iti didiosen kadagitoy a panawen. Daytoy ket maipakita babaen kadagiti aramid, nakairuaman, pammati wenno tagipatgen a mangiadayo iti imatang ti tao iti panakipasetna iti mision ti Iglesia, wenno mangiadayo iti tao a mangpasingked iti panagtagikua ken panagturay ti Dios iti sangaparsuaan. Mapasamak daytoy no ti trabaho ken mision ti Iglesia kas nagbiagan ken inlungalong ni Jesus ket saanen nga isu ti nangnangruna iti inaldaw a panagbiagtayo. No mangrugi nga agbiagtayo kadagiti tagipatgen ken panirigan a maisungani kadagiti kababalin ti Pagarian ti Dios kas inkaskasaba ni Jesus. No aggagartayo a manggun-od iti adu a sanikua ken ipangpangruna ti bukod a pagimbagan imbis nga agpanuray iti Espiritu Santo a mangidalan kadaytoy nga agtulnog, agserbi ken agsaksi. Ti panangliklik kadagiti didiosen ket saan laeng a maipakita iti dinominggo nga ipapan idiaiy kapilia, nupay makatulong met daytoy iti panakapabileg ken panakaidalantayo a makipaset iti mision. Ti mangliklik kadagiti disiosen ket ti di panangikaskaso kadagiti aniaman a pangta a mangdadael iti relasiontayo iti Dios ken padatayo a tao. Ti panangliklik kadagiti didiosen ket isut panangsarak iti talna ken siguridad iti Dios, inayonna ti panagtalek iti kabaelan ti Dios a mangted biag, mangaywan ken mangsubbot kadagiti napudno uray pay iti narigat a panawen.

Uray pay agbiagtayo iti Cristiano a nasion, naigamertayo iti kultura ken relihion dagiti gan-ganaet ken agraraira a panirigan nga impapilitda kadaytoy nupay dagitoy ket saan nga isu ti naan-anay a ladawan ti panagbiag nga inlungalong ni Jesus. Adu kadaytoy ti simiasi kadagiti napipintas a kababalin ken tagipatgen a tinawidtayo kadagiti appotayo, ti kinapateg ti panagsisinaranay, panagbiag kas kameng ti komunidad ti pammati, ti panagayat kadagiti gan-ganaet ken nangruna ti panangaywan iti sangaparsuaan, dagitoy ket iladawanda ti kaipapanan ti mensahe ti ebanghelio nga insuro ken imbiag ni Jesus.

Ti kasasaad ti Iglesia ti Corinto, a makibalbalubal kadagiti didiosen ket umasping met laeng iti agdama a kasasaadtayo, adu pay laeng dagiti tattao a mangipangpangruna kadagiti material a banag ket awan panawenda nga agserbi kadagiti makasapul. Nupay kasta agyamantayo iti kaadda ti Iglesia ken dagiti kas ken San Pablo ti agdama a panawen a mangpalpalagip kadaytoy tapno liklikantayo dagiti didiosen. Ti Iglesia babaen met laeng kadaytoy a kamkameng ket pabilgen ken palagipantayo ti maysa ken maysa tapno ditay uliten ti basol ti napalabas, ngem agsursurotayo ketdi manipud iti pakasaritaan. Agsalukagtayo,

aywanan ken ipategtayo ti mision ken biag ti Iglesia, masapul a silalagiptayo kadagiti amin nga aramidentayo tapno ditay parnuayen dagiti bukodtayo a didiosen wenno dagiti kababalin a mangiladawan kadakuada ta dagitoy ti manglapped kadatayo nga agbiag kas saksi ti ayat ken kinalinteg ti Dios babaen ken Jesus. Kas iti Salmista, kasapulan a pasingkedantayo ti kinaapo ti Dios iti sangaparsuaan, iti amin a biag. Agpanuraytayo iti umisu nga espiritu iti panagbiagtayo kas napinget a mangp pasingked iti kina-Dios ni Cristo iti inaldaw a biag ken aramidtayo.

## **TARABAY KADAGITI MANGISURO**

Umuna ti amin, masapul a maipakaawat a ti kina-Apo ni Cristo kadagiti isu amin a parsua ket saan a balikas ti panangtunton iti panagtagikua kontra kadagiti dadduma a komunidad ti pammati wenno relihion. Daytoy ket maiturong kadagiti Kristiano a nakurang ti panagpanurayda ken Cristo kas Apo, ta kasla adda paset ti biagda a nairanta iti dadduma a pagrukbaban ken pagduyosanda a saan ket a ti Apo nga agtagikua iti amin a turay ken pannakabalin idia langit ken ditoy daga. Adda dagiti sinandios iti biag ti tao a nupay tao met laeng ti nangaramid, ngem adda bilegna a mangituray iti tao a nangaramid. Maysa a paborito ti tao a didiosen ket ganansia wenno kuarta. Sinandios daytoy a kainnagaw ni Jesus iti biag ti tao, gaputa no sadino a paset ti biag ti tao a naturay ti tarigagayna a maaddaan iti dakkel a ganansia uray agaramid iti kinaubbaw tapno magun-odna daytoy, sadiay, awan lugar ti mandar ti ebanghelio iti biag ti tao. Maysa pay a sinandios iti biag ti tao ket ti politika. No ti politika ket maaramat nga awan umisu wenno nalinteg a pakaibasaranna, agbalin daytoy a gan-ganaet a pwersa ket serraanna ti puso ken panunot nga agtungpal iti mandar ti Ebanghelio. Adu dagiti sinandios iti biag ti tao a mabalin a mangiwalin iti panagturay ni Cristo. Ti panagrukbab kadagiti sinandios ket saan laeng a sumngat iti panawen ti personal, familia wenno publiko a panagdaydayaw, ngem mabalin nga adda daytoy iti inoras wenno inaldaw a biag ti tao. Kinapudnona, kaaduan a panagdayaw ti tao ken Apo Dios ket mabalin a maysa wenno dua la nga oras iti aldaw ti domingo, ket nalabit ad-adu pay ti pannakaidaydayaw dagiti sinandios iti biag ti tao a dina mapupuotan. Ngem ti pakdaar ti pammati ti UCCP a ni Jesus ti sibibiag a Dios ti sangaparsuaan ket saan a mabalin a maikompromiso, ngem ketdi, kanayon koma a mapasingkedan iti aniaman nga aramid ken kasasaad ti panawen. Kangrunaan a pagrebbengantayo nga ipalagip iti tunggal maysa ti deklarasion ni Pedro a kunana; “Ad-adda nga agtulnogkami iti Dios ngem iti tao” nangruna iti panawen ti panagdaydayaw. Ti kasasaad ti aglawlaw ket maysa a napatteg a karit kadatayo a masapul a dagdagusentayo a sungbatan. Naduktalan dagiti sientista a ti agdama a parikot ti aglawlaw a mangyeg iti peggad iti sangaparsuaan ket aramid ti tao. (human made) Dagiti tattao a rumbeng koma nga addaan iti konsinsia kas Cristiano ket didanto malisian ti panangukom ti Dios gaputa pasetda ti pangen dagiti naagum nga agtagikua iti sobra a ganansia uray pay kaipapananna ti pannakadadael ti aglawlaw. Dagitoy dagiti ad-adda mangipangag iti mandar dagiti sinandios imbis koma a ti mandar ni Cristo. Ngem ipalagip ti adaltayo a maysa kadagiti pakapadasan ti Iglesia iti nagungar a Cristo ket isu ti pannakapabilegna a mangipakaammo iti panangukom ti Dios iti lubong gapu iti saan a panagtulnog dagiti dadduma iti mandar ti pudno a Dios ti biag ken sangaparsuaan.

### **I. Panggep**

Kalpasan ti panagadal, dagiti nagatendar ket manamnama a:

1. Maibagada a ni Jesus ti Dios dagiti amin a pinarsua;

2. Maibagada a ni Jesus ket Dios dagiti amin a tattao
3. Maiyebkasda ti panagyamanda ken Jesus kas mangisalakan ken manubbotda.

**II. Konsepto:** Kukua ti nagungar nga Apo ti lubong, saan ket a dagiti sinandios nga aramid ti Tao.

**Dagiti Kasapulan:** Biblia, himno, activity sheets, pagkantaan

### **III. Linaon/Wagas ti Panagadal**

#### **A. Panglukat a panagdaydayaw**

1. Panangpasangbay:
2. Panglukat a Kararag: "Dutokan ti maysa nga ubbing"
3. Panglukat a Kanta: "The Creator, Redeemer, Sustainer" (HFJ # 1)

#### **B. Panagsagana**

Dawaten kadagiti agtutubo nga ibingayda ti naragsak a kapadasan maipapan kadagiti sumaganad: "panagpasiar kadagiti igid ti baybay, banatay, diving araes. Parke, kueba wenna caves ken dadduma pay a pagpasiaran". Ibagam nga ibingayda ti kapadasan pisikal ken naespirituan..

#### **C. Panawen ti Panagadal**

1. Paguduaen ti grupo. Ibagam iti grupo nga ilistada dagiti sarita a mainaig kadagiti sarita a sumaganad: Grupo 1: Lubong, Dios. Grupo 2: panagdayaw, idolo
2. Ibagam iti klase nga basaenda ti teksto Dagiti Salmo 24:1-2 ken I Korinto a sangsangkamaysa. Iyarmidda iti adda iti baba a kas grupo.
  - a. Grupo 1: Dagiti Salmo 24:1-2 Ti Dios laeng ti namarsua, mangted biag, manubbot ken mangituray iti sangaparsuaan ket awan ti mabalin a mangala iti lugarna uray pay kasano ti sirib ken kabaenan nga ik-ikutanda. Ti pinarsua ket dina mabalin a tagikuaen ti biang ti Namarsua. Ti saan a mataginayon ket dina matagikua ti panakabalin ti mataginayon a kas iti Dios. Saan a mabaliwan wenna mabaliktad daytoy a relasion wenna prinsipio ket datayo a parsua masapul a maipalagip ti umno a kaibatogantayo.

- b. Group 2: *1 Corinthians 10:14*. Ti kasasaad ti Iglesia ti Corinto, a makibalbalubal kadagiti didiosen ket umaspang met laeng iti agdama a kasasaadtayo, adu pay laeng dagiti tattao a mangipangpangruna kadagiti material a banag ket awan panawenda nga agserbi kadagiti makasapul. Nupay kasta agyamantayo iti kaadda ti Iglesia ken dagiti kas ken San Pablo ti agdama a panawen a mangpalpalagip kadaytoy tapno liklikantayo dagiti didiosen. Ti Iglesia babaen met laeng kadaytoy a kamkameng ket pabilgen ken palagipantayo ti maysa ken maysa tapno ditay uliten ti basol ti napalabas, ngem agsursurotayo ketdi manipud iti pakasaritaan. Agsalukagtayo, aywanan ken ipategtayo ti mision ken biag ti Iglesia, masapul a silalagiptayo kadagiti amin nga aramidentayo tapno ditay parnuayen dagiti bukodtayo a didiosen wenna dagiti kababalin a mangiladawan kadakuada ta dagitoy ti manglapped kadaytoy nga agbiag kas saksi ti ayat ken kinalinteg ti Dios babaen ken Jesus. Kas iti Salmista, kasapulan a pasingkedantayo ti kinaapo ti Dios iti sangaparsuaan, iti amin a biag. Agpanuraytayo iti umisu nga espiritu iti panagbiagtayo kas napinget a mangpasingked iti kina-Dios ni Cristo iti inaldaw a biag ken aramidtayo.

3. Ibingay dagiti agtutubo ti kapanpanunotanda iti klase

#### **D. Panangpauneg ti Adal/Panagbibinuray**

1. Diskutiren dagiti kapanpanunotan babaen iti panangsaludsod kadagiti sumaganad:

- a. Sinno ti akikukua ti lubong maibasar iti Dagiti Salmo 24:1-2? (Ti Dios)
- b. Kasano nga inaigmo daytoy a kinapudno kas inrugitayo daytoy nga leksion?
- c. Apay nga importante daytoy a banag?
- d. Iti Dagiti Salmo 24- siasinno ti mangitakder iti Apo?
- e. Ania dagiti nalawag nga idolo dagiti tattao iti agdama?

### ***E. Panangdiskubre ti Adal***

Damagem: “Kasano nga ipakita dagiti agtutubo ti panangwatda ken Jesus a mannubbotda ken Diosda? Ania dagiti masapul nga aramidentayo?”

### ***F. Panangyaplikar ti Adal***

1. Ippirmar ti klase dagiti sumaganad: Ni Jesus ti Dios dagiti pinarsua awanen sabali.”
2. Mangibagada ti wagas no kasano nga aywanan ti nakaparsuaan, panang-ibbat kadagiti madi nga ugali, ken babaen iti panangipateg kadagiti ugali ti pagarian ti Dios kas koma iti ayat, husticia, ken panagservi.
3. Idalan dagiti agtutubo kas Pablo- ta kas ken Pablo umapela kadagiti tatato iti panangiwaragawag iti nagan ni Jesus.

Daytoy ti Pormatna:

Ay-ayaten a gagayem ken Kristo,

Danunen koma daytoy a suratko ti nasayaat a salun-atyo!

Suratan kayo gapu ta kayatko nga ipakaammo kadakayo nga ni Jesus ket Dios awanen sabali, Maipannayag koma ngarud daytoy babaen iti naimbag nga aramid kadagiti tattao!

Toy kabsatyo,  
(Nagan ti ubing)

4. Mangted ti oras kas agisurat kadagiti suratda.

### ***G. Pangrikep a Panagdayaw***

1. Panagdaton:
2. Pangrikep a kanta: “The Creator, Redeemer, Sustainer” (HFJ # 1)
3. Pangrikep a Kararag: Tunggal agtutubo mangted ti kararag panagyaman.  
Sungbat: Tallo nga Amen!

## Adult Level

April 17, 2016

Maikatlo a Domingo kalpasan Panangungar

Leksion 21: Pasingkedan ti kina-Dios ni Cristo

### Old Testament: Psalm 24:1-2

Kukua ni Jehova ti daga ken ti linaonna, Ti nabunga a daga ken dagidiay agnanaed iti dayta. 2

Ta iti rabaw dagiti baybay isu insaadna a sititibkerdayta, Ket iti rabaw dagiti karayan pagtalinaedenna dayta a naipasdek a sititibker.

### Pannakailawlawag ti Teksto

Ti Salmo 24 ket maysa a daniw a mapapati a sinurat ni Ari David, maus-usar pay daytoy kas kanta iti panagdaydayaw dagiti Israelita. Ti Salmista ket daydayawenna ti Dios dagiti isu amin, kas pasingkedanna a ti Dios a Namarsua ken agtagikua kadagiti isu amin ket ipababana dagiti amin ng agkuna a kukuana ti sangaparsuaan, gapu ta daytoy ket kukuana laeng kas Namarusa. Maysa met laeng daytoy a kanta a pagdayaw, ken iti sabali a bangir pangballaag iti siasinoman a mangibaga nga adda sabali a namarsua malaksid iti pudno a Dios. Awan ti sabali a panakabalin ditoy lubong a nangpataud, mangted biag, kaipapanan ken panakasubbot dagiti isu amin manipud napaadda ken naurnosda.

Ti Dios laeng ti namarsua, mangted biag, mansubbot ken mangituray iti sangaparsuaan ket awan ti mabalin a mangala iti lugarna uray pay kasano ti sirib ken kabaelan nga ik-ikutanda. Ti pinarsua ket dina mabalin a tagikuaen ti biang ti Namarsua. Ti saan a mataginayon ket dina matagikua ti panakabalin ti mataginayon a kas iti Dios. Saan a mabaliwan wenno mabaliktad daytoy a relasion wenno prinsipio ket datayo a parsua masapul a maipalagip ti umno a kaibatogantayo.

Nagsurat ni Apostol Pablo iti Iglesia ti Corinto tapno sungbatanna ti napateg a pakaseknan a naipakaammo kenkuana. Gapu ta ti Corinto ket sentro ti negosio nga agserbi iti kasapulan iti takdang ken iti taaw, gagangay ti kaadda dagiti tattao a nagduduma ti relihion ken nakairuamanda. Bassit laeng ti bilang dagiti tattao idiyay Corinto gapuna nga arig makibalbalubbalda iti aglawlaw a domdominarian dagiti nagkaadu a pagano. Gapuna a saan a nalaka iti biang dagiti Kristiano ti mangitakder a napudno iti pammatida iti nasao a kasasaad ti aglawlaw.

Kas ipakaawat ti tekstotayo ken kasasaad ti aglawlaw, nagballigi dagiti Kristiano a nangawis kadagiti tattao tapno arakupenda ti pammati a Kristianismo. Ti rigatna, dagitoy a nagkristiano ket dida nalipatan ken pinaglikudan dagiti ritual ti relihion a nakairuamanda. Ngarud, daytoy ti maysa kadagiti pakaseknan a sangsangoen ken sungsungbatan ni Apostol Pablo, babalawenna ida kontra iti panagdayaw iti didiosen ta daytoy ket saan laeng a basol iti Dios, ngem ketdi pataudenna pay ti panagsisinada kas maysa a bagi ti pammati

Naiduma dagiti panagrukbab iti didiosen kadagitoy a panawen. Daytoy ket maipakita babaen kadagiti aramid, nakairuaman, pammati wenno tagipatgen a mangiadayo iti imatang ti

tao iti panakipasetna iti mision ti Iglesia, wenna mangiadayo iti tao a mangpasingked iti panagtagikua ken panagturay ti Dios iti sangaparsuaan. Mapasamak daytoy no ti trabaho ken mision ti Iglesia kas nagbiagan ken inlungalong ni Jesus ket saanen nga isu ti nangnangruna iti inaldaw a panagbiagtayo. No mangrugi nga agbiagtayo kadagiti tagipatgen ken panirigan a maisungani kadagiti kababalin ti Pagarian ti Dios kas inkaskasaba ni Jesus. No aggagartayo a manggun-od iti adu a sanikua ken ipangpangruna ti bukod a pagimbagan imbis nga agpanuray iti Espiritu Santo a mangidalan kadatayo nga agtulnog, agserbi ken agsaksi. Ti panangliklik kadagiti didiosen ket saan laeng a maipakita iti dinominggo nga ipapan idia kapilia, nupay makatulong met daytoy iti panakapabileg ken panakaidalantayo a makipaset iti mision. Ti mangliklik kadagiti disiosen ket ti di panangikaskaso kadagiti aniaman a pangta a mangdadael iti relasiontayo iti Dios ken padatayo a tao. Ti panangliklik kadagiti didiosen ket isut panangsarak iti talna ken siguridad iti Dios, inayonna ti panagtalek iti kabaelan ti Dios a mangted biag, mangaywan ken mangsubbot kadagiti napudno uray pay iti narigat a panawen.

Uray pay agbibagtayo iti Cristiano a nasion, naigamertayo iti kultura ken relihion dagiti gan-ganaet ken agraraira a panirigan nga impapilitda kadatayo nupay dagitoy ket saan nga isu ti naan-anay a ladawan ti panagbiag nga inlungalong ni Jesus. Adu kadatayo ti simiasi kadagiti napipintas a kababalin ken tagipatgen a tinawidtayo kadagiti appotayo, ti kinapateg ti panagsisinaranay, panagbiag kas kameng ti komunidad ti pammati, ti panagayat kadagiti gan-ganaet ken nangruna ti panangaywan iti sangaparsuaan, dagitoy ket iladawanda ti kaipapanan ti mensahe ti ebanghelio nga insuro ken imbiag ni Jesus.

Ti kasasaad ti Iglesia ti Corinto, a makibalbalubal kadagiti didiosen ket umasping met laeng iti agdama a kasasaadtayo, adu pay laeng dagiti tattao a mangipangpangruna kadagiti material a banag ket awan panawenda nga agserbi kadagiti makasapul. Nupay kasta agyamantayo iti kaadda ti Iglesia ken dagiti kas ken San Pablo ti agdama a panawen a mangpalpalagip kadatayo tapno liklikantayo dagiti didiosen. Ti Iglesia babaen met laeng kadatayo a kamkameng ket pabilgen ken palagipantayo ti maysa ken maysa tapno ditay uliten ti basol ti napalabas, ngem agsursurotayo ketdi manipud iti pakasaritaan. Agsalukagtayo, aywanan ken ipategtayo ti mision ken biag ti Iglesia, masapul a silalagiptayo kadagiti amin nga aramidantayo tapno ditay parnuayen dagiti bukodtayo a didiosen wenna dagiti kababalin a mangiladawan kadakuada ta dagitoy ti manglapped kadatayo nga agbiag kas saksi ti ayat ken kinalinteg ti Dios babaen ken Jesus. Kas iti Salmista, kasapulan a pasingkedantayo ti kinaapo ti Dios iti sangaparsuaan, iti amin a biag. Agpanuraytayo iti umisu nga espiritu iti panagbiagtayo kas napinget a mangpasingked iti kina-Dios ni Cristo iti inaldaw a biag ken aramidtayo.

## **TARABAY KADAGITI MANGISURO**

Umuna ti amin, masapul a maipakaawat a ti kina-Apo ni Cristo kadagiti isu amin a parsua ket saan a balikas ti panangtunton iti panagtagikua kontra kadagiti dadduma a komunidad ti pammati wenna relihion. Daytoy ket maiturong kadagiti Kristiano a nakurang ti panagpanurayda ken Cristo kas Apo, ta kasla adda paset ti biagda a nairanta iti dadduma a pagrukbaban ken pagduyosanda a saan ket a ti Apo nga agtagikua iti amin a turay ken pannakabalin idia langit ken ditoy daga. Adda dagiti sinandios iti biag ti tao a nupay tao met laeng ti nangaramid, ngem adda bilegna a mangituray iti tao a nangaramid. Maysa a paborito ti tao a didiosen ket ganansia wenna kuarta. Sinandios daytoy a kainnagaw ni Jesus iti biag ti tao, gaputa no sadino a paset ti biag ti tao a naturay ti tarigagayna a maaddaan iti dakkel a ganansia uray agaramid iti kinaubbaw tapno magun-odna daytoy, sadiay, awan lugar ti mandar ti ebanghelio iti biag ti tao. Maysa pay a sinandios iti biag ti tao ket ti politika. No ti politika ket maaramat nga awan umisu wenna nalinteg a pakaibasaranna, agbalin daytoy a gan-ganaet a pwersa ket serraanna ti puso ken panunot nga agtungpal iti mandar ti Ebanghelio. Adu dagiti sinandios iti biag ti tao a

mabalin a mangiwalin iti panagturay ni Cristo. Ti panagrukbab kadagiti sinandios ket saan laeng a sumngat iti panawen ti personal, pamilia wenno publiko a panagdaydayaw, ngem mabalin nga adda daytoy iti inoras wenno inaldaw a biag ti tao. Kinapudnona, kaaduan a panagdayaw ti tao ken Apo Dios ket mabalin a maysa wenno dua la nga oras iti aldaw ti dominggo, ket nalabit ad-adu pay ti pannakaidaydayaw dagiti sinandios iti biag ti tao a dina mapupuotan. Ngem ti pakdaar ti pammati ti UCCP a ni Jesus ti sibibiag a Dios ti sangaparsuaan ket saan a mabalin a maikompromiso, ngem ketdi, kanayon koma a mapasingkedan iti aniaman nga aramid ken kasasaad ti panawen. Kangrunaan a pagrebbengantayo nga ipalagip iti tunggal maysa ti deklarasion ni Pedro a kunana; “Ad-adda nga agtulnogkami iti Dios ngem iti tao” nangruna iti panawen ti panagdaydayaw. Ti kasasaad ti aglawlaw ket maysa a napateg a karit kadatayo a masapul a dagdagusentayo a sungbatan. Naduktalan dagiti sientista a ti agdama a parikot ti aglawlaw a mangyeg iti peggad iti sangaparsuaan ket aramid ti tao. (human made) Dagiti tattao a rumbeng koma nga addaan iti konsinsia kas Cristiano ket didanto malisian ti panangukom ti Dios gaputa pasetda ti pangen dagiti naagum nga agtagikua iti sobra a ganansia uray pay kaipapananna ti pannakadadael ti aglawlaw. Dagitoy dagiti ad-adda mangipangag iti mandar dagiti sinandios imbis koma a ti mandar ni Cristo. Ngem ipalagip ti adaltayo a maysa kadagiti pakapadasan ti Iglesia iti nagungar a Cristo ket isu ti pannakapabilegna a mangipakaammo iti panangukom ti Dios iti lubong gapu iti saan a panagtulnog dagiti dadduma iti mandar ti pudno a Dios ti biag ken sangaparsuaan.

## **I. Panggep**

Kalpasan daytoy a panagadal, dagiti nagadal manamnama a:

1. Maibagada a ni Jesus ti Dios dagiti amin a pinarsua;
2. Maibagada a ni Jesus ket Dios dagiti amin a tattao
3. Mailawlawagda a ni Jesus ken Dios iti isuamin a pinarsua ken dagiti amin a tattao ken ti kaipapananan kadatayo.
4. Maiyebkasda ti panagyamanda ken Jesus kas Dios ti tunggal maysa

## **II. Konsepto:**

Kukua ti nagungar nga Apo ti lubong, saan ket a kadagiti sinandios a sinukog ken inaramid ti tao

**Dagiti Kasapulan:** Biblia, himno, activity sheet

## **III. Linaon Ti Panagadal**

### ***A. Panglukat a Panagdayaw***

1. Panangpasangbay
2. Panglukat a Kararag: “Umaykami O Apo, nakasagana nga agadal kadagiti sasaom. Idalannakami ket taraonanna kami tapno tumakderkami nga mangiwaragawag iti kina-Dios ni Jesus. Tulongannakami ket patalgedanmi kadi ti kina-Dios ni Kristo kadakami.
3. Panglukat a Kanta: “The Creator, Redeemer, Sustainer” (HFJ # 1)

### ***B. Panagsagana***

Kas irugi iti panagklase, idalanmo dagiti nataengan nga mangibingay kadagiti kaammuan maipapan iti kinamapagtalkan iti bagi, talento, sanikuada. “Kasano ti panangkitada ti klase ti kinamapagtalkanda kas namati.”

### ***C. Panawen ti Panagadal***

1. Ibaga iti klase nga basaenda ti naulimek dagiti pakaibatayan ti leksion iti Dagiti Salmo 24:1-2 ken I Korinto 10:14.
2. Saludsodem: “Ania ti kaipapanan daytoy a teksto mainaig iti biagtayo inaldaw.”
3. Ipabasa ti pannakailawlawag ti teksto ken iti Tarabay dagiti mangisuro.. Usarem dagiti sumaganad:
  - a. Ti deklarasion ni David maipapan iti Dios ken dagiti Ari iti Pagarian. (paragraphs 1, 3, and 6).
  - b. Ti ballaag ni Pablo maipapan iti panang-adayotayo iti panangdayaw kadagiti Didiosen. (paragraphs 2, 4, and 5).

### ***D. Panangpauneg ti Adal/Panagbibinnuray***

1. Saludsoden dagiti sumaganad:
  - a. Kasano ti panangilawlawag mot i panangdayaw kadagiti didiosen?
  - b. Siasinno dagiti didiosen iti agdama a panawen?
  - c. Napadasam kadin iti biagmo nga adda didioseman?
2. Ibagam: Ania man a banag ti ipangpanrunam isun ti didioseman. Ngamin, aniaman a banag a mangsukat iti kinaloyalidadmo ken panagtulnog iti Dios ket isut didioseman iti biagmo. No ipangpanrunam dagiti saan a nasayaat kas koma panagminas, pannagperdi iti pada a tao ken dadduma pay...

### ***E. Panangdiskubre ti Adal***

Saludsodem: Damagem: “Kasano nga ipakita dagiti agtutubo ti panangwatda ken Jesus a mannubbotda ken Diosda? Ania dagiti masapul nga aramidentayo kas tanda ti panangipakita a ni Jesus ket Dios?”

### ***F. Pannagyaplikar ti Adal***

1. Ibaga kadagiti nataengan nga mangibingay iti kapadasan ken appirmasyon ti panagyamanda kadagiti amin a sagut ti Dios, kangrunaan ti panangidalan ti Dios tapno agbalin nga managtulnog kadagiti pagayatanna.
2. Mangibaga kadagiti konkreto nga kapadasan iti panangibunannag iti kina Dios ni Jesus.

### ***G. Pangrikep a Panagdayaw***

1. Panagdaton:
2. Pangrikep a kanta: “The Creator, Redeemer, Sustainer” (HFJ # 1)
3. Pangrikep a Kararag: Tunggal nataengan mangted ti kararag panagyaman.  
Sungbat: Tallo nga Amen!